



Pleiv catolica
Medel/Lucmagn

Protocol

**dalla radunonza generala dalla pleiv Medel/Lucmagn,
gievgia, ils 10 d'avrel 2025, allas 20.00 uras
ell'aula dalla scoletta a Curaglia**

Tractandas

1. Avertura
2. Nominaziun d'inA dumbravuschs
3. Approbaziun dalla gliesta da tractandas
4. Approbaziun dil protocol dils 12 d'avrel 2024
5. Communicaziuns
6. Activitads per 2025
7. Elecziuns
 - presidentA
 - assessurAs
8. Rendaquen 2024
 - a.) Rapport annual dil cassier
 - b.) Rapport dils revisurs ed approbaziun dil quen 2024
9. Presentaziun ed approbaziun dil preventiv 2025
10. Fixar il pei da taglia pigl onn 2025
11. Varia

1. **Avertura**

Il president dalla pleiv Gabriel Venzin-Marty fa in cordial beinvegni als sis presents ed a ses dus consuprastonts engraziand ch'els prendien peda per ils fatgs dalla pleiv.

Igl onn da gestiun 2024 ei staus in bien onn. Nus essan ina pintga cuminonza da cartents e vein da sbatter cun nies futur. Nuotatonmeins sedustein nus mordio e fagein marschar nossa pleiv. Il president Gabriel Venzin-Marty menziunescha ch'ils parochians segidien sco els sappien e possien en nossa pleiv. En quei senn ei la radunonza generala il dretg liug d'engraziar a tuts che segidan. Baselgia munta da seradunar, tedlar e discussiunar, festivar, segidar cun nos parochians e cunzun sustener nos pli vegls ch'ei magari persuls e drovan agid. Nus vegnin

susteni da sur Giusep, sur Alexi, sur Mathew e dils paders dalla claustra. Persuenter admettein nus in grond engraziament. Ad in inscunter cun nies uestg Giusep Maria ha el menziunau che nus laics stoppien prender sez las hottas enta maun. Quei prendin nus a pèz. Nossa grupp liturgica medelina cun Evelina Giger, Alice Deragisch e Ciprian Giger fan grondiusa lavur che vegn apprezziada. Nus engraziein a sur Giusep ch'el sustegn nus sin quella via. Las duas responsablas per nos seniors, la Paulina Giger e la Maria-Tresa Venzin han entschiet a visitar ils seniors e purtar la communion sch'ei vegn giavischau. Nies engaschi sco baselgia schabegia era el mintgadi cu nus s'entupein cul vischin e segidein. Nossa baselgia viva, magari el zuppau. Nus stuein ver la curascha d'esser pli creativs e da purtar ella pli fetg viado el public.

Cun quels plaids d'engraziament che cumpeggia tuts gidonters e tuttas gidontras arva il president la radunonza.

Nus vein buca survegniu perstgisas per la radunonza generala.

2. Nominaziun d'in dumbravuschs

La raspada elegia Natalia Giger sco dumbravuschs.

3. Approbaziun dalla gliesta da tractandas

Ils parochians approbeschan unanimamein la gliesta da tractandas.

4. Approbaziun dil protocol dils 12 d'avrel 2024

Il protocol ei publicaus el rapport da quen e gestiun 2024. La raspada approbescha il protocol unanimamein cun engraziar als protocollists Emil Pally e Gabriel Venzin-Marty.

5. Comunicaziuns

La suprastonza dalla pleiv dat in sguard anavos egl onn 2024

Il rapport detagliau san las parochianas ed ils parochians leger el rapport da quen e gestiun da 2024. Ei suonda enzaconts puncts impurtonts ord tal.

Rapport digl ugau Arnold Flepp

Il tetg dalla baselgia S.Martin fatschenta nus vinavon. Il tetg ei contaminous cun in buliu. Nus essan vidlunder d'evaluar en collaboraziun cun il cantun / tgira da monuments cun signur Egger con fetg ch'il buliu ha taccau la construcziun. Ord quei motiv ei vegniu priu ulteriuras emprovas, las qualas ein vegnidas tarmessas al labor. La finamira ei d'anflar la consistenza e da saver tractar il buliu aschia ch'il process vegn retenius respectiv interruts. Sinceramein stuein dir, che quei ei la cumprova. Sche quei vegn era ad esser il cass vegnan ils resultats e silsunter ils proxims pass a semussar. Bugen vegnin vinavon a tener vus parochiants sil current.

Plinavon havein el turnus da diesch onns fatg l'inspecziun dil tanc d'ielì dalla pegna dalla casa parvenda a Curaglia. Quei ei l'obligaziun da mintga possessur da garantir la qualitat dil tanc nua ch'igl ieli vegn deponius.

Sco davos lessel admetter in grond engraziament a nossa calustra Alice e caluster Pauli. Els ein las bunas olmas da nossas baselgias. Cun tschaffen e maun fidau

han els dus adina bien quita da S.Clau e S.Martin. Era per nos spirituals essas adina in bien sustegn. A vus dus in grond Dieus paghi.

Secretariat

Nossa secretaria Petronella Meier-Spescha ei sevidada en bein. Nus engraziein ad ella grondamein. Cun sia survesta e sia gronda savida en fatgs da pleiv dat ella bein enquel bien input a nus.

MinistrantAs: Livia Venzin, Sarina Venzin, Michael Sacha e David Sacha ein stai nos ministrants all'entschatta dil 2024. Silsunter ei la Lorina Simonet nossa ministranta. Cun quei ch'ella ei persula enta Medel s'engascha ella a Mustér cun sias collegas.

Il 2024 vein nus buca giu battens.

Il zenn grond ha el decuors digl onn vargau annunziau treis gadas la mort d'ina parochiana ni d'in parochian. La Tresa Flepp-Venzin, la Martina Venzin-Bearth e la Maria Ursula Venzin-Camenisch. Els ruaussien en pasch! Sunter in cuort memento cuntinuescha il president cun enzacontas informaziuns dalla lavur dalla suprastonza. Ils detagls ein screts el rapport da quen e gestiun.

Ord la lavur da suprastonza

- La suprastonza ei sefatschentada cuntinuadamein cun las tractativas cun las pleivs vischinontas pertuccont ina collavuraziun pli stretga. La coordinaziun dallas messas funcziuna fetg bein. Pertuccont las finanzas ein ins aunc buca vegnius ad ina sligiazion che nus savein purtar. Nus stein vinavon en contact e dumandein dunna Cavegn Flurina ch'ei responsabla per nus ella regiun quei che pertucca pastoraziun dils laics da sustener nus.
- Metter fil en guila culla collavuraziun dallas dunnas, giuventetgna e chor baselgia. Quei pertucca las spartas dallas fiastas, lavur per ils seniors e lavur per la communitad.
- Igl atun ha giu liug la votaziun cantunala pertuccont la nova constituziun. La suprastonza ha organisau ensemen cun agid dalla vischnaunca igl andament.
- Il tetg da S.Martin ein in grond tema en pleiv. La suprastonza ha fatg ils proxims pass e cunzun seschau cusseglar dalla Tgira da monuments.

6. Activitads en nossa pleiv

Il president repassa il program annual dalla pleiv. Tal vegn era publica us el rapport annual. La Natalia Giger menziunescha che las dunnas fagessen pli bugen il di da suppa el temps da cureisma. Nus spitgein pia lur risposta.

Duri Lutz menziunescha l'idea da far ina messa commemorativa ad Acla. Il termin ei sparius e la raspada sedamonda sch'ei fuss pusseivel d'organisar tala duront igl onn.

7. Elecziuns

President:

Il cassier Emil Pally menziunescha ch'il president actual hagi demissiunau siu post e ch'el hagi annunziau quei gia fetg baul. El admetta al president actual in grond

engraziament per sia lavur. Deplorablamein eis ei buca reussiu d'anflar ina persuna per il post.

Ils responsabels annunzian quella vacanza agl ordinariat.

AssessurAs

Per rinforzar la lavur en suprastanza ha la pleiv encuretg duAs assessurAs. Il president partent ei prompts da restar en suprastanza sco assessur.

Gabriel Venzin-Marty vegn elegius sco assessur.

8. Rendaquen 2024

a.) rapport annual dil cassier

Il cassier Emil Pally presenta ils quens corrispundents. Sco emprem dat el ina survesta dils rendaquens dallas capluttas. Las cefras san ins leger el rapport annual 2024. En spezial menziunescha el, ch'el quen da 2024 ei integrav da niev era ils quens dallas duas baselgias.

La pleiv sa mussar in bien onn da quen. Cun expensas da frs. 84'837.43 ed entradas da frs. 103'887.50 sresulta in gudogn da frs. 19'050.07.

La facultad dalla pleiv, resp. il capital agen munta per ils 31.12.2024, frs. 218'599.12

b.) rapport dils revisurs ed approvaziun dil quen 2024

La revisura da quen Susanna Venzin ed il revisur da quen Alfons Venzin suttamettan alla radunanza generala da:

- approbar il quen annual 2024 dalla pleiv da Medel sco presentaus e d'exprimer igl engraziament beinmeritau al cassier.
- approbar ils quens annuals 2024 dallas capluttas cun admetter allas ugadessas ed als ugaus in engraziament sincer per lur engaschi.
- da dar scarica alla suprastanza ed als funcziunaris da nossa pleiv renconuschend la buna e cunscienziusa lavur prestada.

La radunanza generala approbescha unanimamein ils quens cun admetter in grond engraziament al cassier e dar scarica a tuts funcziunaris.

9. Presentaziun ed approvaziun dil preventiv 2025

Il cassier Emil Pally presenta il preventiv dalla pleiv per il 2025. Tal noda cun entradas da frs. 101600.- ed expensas da frs. 97100.-. Ordilunder resulta in pign gudogn da frs. 4500.-.

Ils presents approbeschan unanimamein il preventiv 2025 sco presentau dil cassier.

10. Fixar il pei da taglia pigl onn 2025

La radunanza generala decida da schar il pei da taglia sco tochen da cheu sin 15%.

11.Varia

- Il president informescha dalla viseta da sur Peter Camenzind, nies vicari general, e da Flurina Cavegn, da nossa persuna da contact en caussas da pastoraziun. Igl inscunter ei staus fetg empermettents e duei intermediar las contractivas cun nossas pleivs vischinontas.
- La seduta per organisar las messas dil secund semester suonda proximamein.
- Igl inscunter cun sur Peter Camenzind e dunna Flurina Cavegn ha probablamein liug il matg.
- Nossa secretaria Petronella Meier-Spescha engrazia per la buna collavuraziun.
- Nies ugau Arnold Flepp menziunacha ch'ei seigi fetg impurtont per nossa pleiv da star vinavon alla tscherca d'in niev tgamun.

Il president concluda la seduta engraziand a tuts e tuttas che segidan en nossa cuminonza dalla baselgia.

Val Medel, ils 10.4.25

Gabriel Venzin-Marty

Gabriel Venzin-Marty

Emil Pally

Emil Pally